

PATI berselindung di sebalik kedai warga tempatan diberkas

SHAH ALAM - Jabatan Imigresen Malaysia memberkas 33 pekerja dan penjaga kedai runcit warga asing dalam serbuan di sekitar Bukit Sentosa, Rawang dan Dengkil, Sepang baru-baru ini.

Ketua Pengarah Imigresen, Datuk Khairul Dzai mee Daud berkata, operasi sepasukan Bahagian Operasi, Siasatan dan Pendakwaan Imigresen Putrajaya pada Isnin dan Selasa itu bertindak menyerbu 16 premis kedai runcit.

Menurutnya, hasil serbuan menahan 33 pendatang asing tanpa izin (PATI) termasuk dua wanita.

"Semakan mendapati PATI itu terdiri daripada 18 warga

Bangladesh, Myanmar (7), Indonesia (5), Pakistan (2) dan seorang India.

"Kesemua PATI disyaki melakukan kesalahan menyala gunakan pas atau permit dan tidak memiliki pas yang sah untuk bekerja di premis tersebut," katanya dalam satu kenyataan pada Khamis.

Beliau berkata, pemeriksaan mendapati kesemua premis mempunyai lesen perniagaan yang dimiliki dan didaftarkan atas nama warga tempatan namun disyaki disewa.

"Kes disiasat di bawah Akta Imigresen 1959/63, Akta Pasport 1966 dan Peraturan-Peraturan Imigresen 1963," katanya.



Penguat kuasa imigresen bertindak menahan seramai 33 PATI dalam serbuan di 16 premis kedai runcit di sekitar Bukit Sentosa, Rawang dan Dengkil, Sepang baru-baru ini.